



## Universitätsbibliothek Paderborn

**Doctor Mellifluus S. Bernardus Magnæ Matris Cultor  
Eximus, Et Ex Ordine Sancti Benedicti Sacellanus  
Quartus. Sive Ea quæ Doctor mellifluus de laudibus  
Virginis Matris scripsit in gratiam magnæ ...**

**Bernardus <Claraevallensis>**

**Nevhvsii, MDCLXXV.**

Sermo II. In Nativitate beatæ Mariae.

**urn:nbn:de:hbz:466:1-37156**

venustate pudoris. Nam & in te quoq; si castimonia perfecta sit, non solum refloredit caro tua, sed & super te totū effloredit sanctificatio quedam divina. Non erit aspectus petulans, aut vagus, sed pudicitia floridus: non sermo lascivus aut ineptus, sed verecundiā gratus, aut sapientia conditus: Non prurient aures libidine audiendi nova vel turpia, nec palatum desiderio sumēdi dulcia: Non erit incessus inordinatus, sed modestus: non ipse habitus, non dicam meretricius, sed neq; superstiosus, immo religiosus: totusque hominis tui status, sanctimoniaz gratia florulentus, ut recte sposo dicere possis, cùm eum ad secretū tuum inviteris *Cant. 1. Lectulus noster floridus.* Quinimò ipse totus eris quidam flos pulcherrimus, qualibus sponsa languorem amoris sui fulciri ac recreari desiderat, cum ait *Cant 2. Fulcite me floribus, stipite me malis, quia amore langueo.* Hujusmodi justus etiam, cùm senuerit in terra radix ejus, & in pulvere emortuus fuerit truncus illius, ad odorem aquae vivæ in resurrectione, id est, in respiratione justorum germinabit sicut lilyum: & florebit in æternum ante Dominum, florem de flore, natum virginem, Virginis Filium sponsum, & coronam virginum: florem, inquam, quo coronanda est non solum integritas virginum, sed & castitas continentium: ipsi gloria, per omnia secula seculorum. Amen.

## S E R M O I I .

In Nativitate beatæ Mariæ.

*Ego Mater pulchra dilectionis, & timoris, & agnitionis,  
& sanctæ spei.*

**M**Erinisse potestis cùm præterito anno loqueremur de principio lectionis hodiernæ, non inconvenienter, ut arbitror, beatæ Dei Genitrici nos illud assignasse, salvo tamen intellectu illo, quo tota lectio Filio ejusdem propriè competit, id est, Dei sapientia. Multò autem manifestius in eo, quod modò de

de eadem lectio ne proposuimus, ejusdem virginis se demonstrat vox & persona, si tamen advertamus, in eo quod ait : *Ego Mater pulchra dilectionis, &c.* quam pulchre & commodè Filium his virtutum nominibus describat. Notus erat Matri Filius: nec minus utique quam illi, qui dicebat 2. Cor. 5. *Et si cognovimus Christum secundum carnem, sed nunc jam non novimus.* Primò novit eum secundum formam carnis, in qua eum ipsa genuit, sed longè hoc à cognitione illius formæ, in qua Pater eum genuit. In illa visus est aliquando, & non erat ei species neque decor, *Esa. 53.* in ista splendor est gloriæ & candor lucis æternæ *Sap. 7.* apud quem non est transmutatio, nec vicissitudinis obumbratio *Iac. 1.* Visio illius formæ incredulis auxit peccatum, visio istius justis fervatur in præmium. Igitur inter formam carnis & formam Verbi, quasi medius de ista ad illam gradus est, quedam alia forma Christi, spiritualis quidem, sed quam in carne palam exhibuit, forma scilicet vitæ, quam in corpore gessit : ad informationem eorum, qui erant credituri. Si enim secundum exemplarvitæ & morum, quod in eo monstratum est, formatus fuerit in nobis Christus, tunc demum idonei erimus videre non solum formam, quæ formata est propter nos, sed etiam illam, quæ formavit nos.

Est utique in Christo alia forma corporalis, alia moralis, alia intellectualis. In corporali frater est, in morali magister est, in intellectuali Deus noster est. Corporalem suscepit, ut impletret sacramentum: moralem exhibuit, ut præberet exemplum: intellectualem seu divinam revelabit ad præmium. Quanquam etiam corporalem tunc cernere, in quam Angeli concupiscunt prospicere, non minima sit portio gloriæ. Beatus autem qui nunc amator factus est formæ hujus, quæ in exemplum est proposita, nam qui scrutator est illius, quæ in præmium est reposita, opprimetur à gloria, *Prov. 25.* Hujus formæ mirator & amator factus erat, qui dicebat *Ps. 44.* *Speciosus formâ p̄filijs hominū.* Vis scire

Ee 5

quia

quia non formam corporis, sed cordis, non pulchritudinem membrorum, sed morum prædicabat? Audi sequentia: *Specie tua, inquit, & pulchritudine tua, intende, prosperè procede & regna, adhuc fortassis dubium est, nisi addat, Propter veritatem, inquit, & mansuetudinem & justitiam.* Prorsus hæc est est species tua & pulchritudo tua, quā regnum acquisivisti pulcherrime Regum, veritas utique sermonum, mansuetudo morum, justitia judiciorum. Hac pulchritudine facilè illexisti & subjecisti tibi corda inimicorum, quippe totus concupiscentia & desiderium. Mirabilis triumphus gratiæ, omnino novum ac pulcherrimum genus victoriæ, hostem non perdere ad mortem fortitudine, sed convertere ad amorem pulchritudine. Ecce mundus totus post eum abgit concupiscens speciem decoris ejus, non quia faciem ejus viderit, sed quia tam multa amabilia de mansuetudine, veritate & justitia ejus audivit. Ex Sion species decoris ejus ps. 49. quia de Sion exiit lex, & verbum Domini de Hierusalem, Mich. 4. unde scilicet Evangelium ad nos missum est, in quo quædam pulchrior Christi facies ostensa est: forma scilicet vitæ & doctrinæ, quam & tradidit verbo, & in se expressit exemplo.

In hac forma nosse Christum, interim pietas est Christianorum, cùm nosse in forma carnis scandalum fuerit Judæorum: nam nosse in forma divinitatis felicitas est, & gaudium Angelorum. Ideo & Paulus sciens quia caro non prodest quicquam sine spiritu videlicet qui vivificat, nosse jam Christū secundū carnē repudiat, 2. Cor. 5. nimirū ut spiritui vivificati studiosius totus intēdat. Hoc ipsum & Maria sapere videtur, quæ dilectū uteri sui, dilectum votorū suorum insinuare cupiens affectibus omnium, describit eum non secundū carnem, sed secundū spiritum: quasi diceret & ipsa: Et si cognovi Christum secundū carnem, sed nunc jam non novi. Cupit namque & ipsa formare Unigenitum suum in omnibus filiis adoptionis, qui & si geniti sint verbo veritatis; nihilominus tamen parturit eos quotidie desiderio

&amp;

& curâ pietatis, donec occurrant in virum perfectum, in mensuram plenitudinis ætatis Filij sui, quem semel parturivit & peperit, imò ut Esaias ait Esa. 66. *Antequam parturiret, peperit*: quia peperit sine dolore, nec experta est difficultatem & molestiam parturitionis, cùm parceret gaudij fructum æterni.

Hunc igitur commendans nobis sic ait Eccl. 24. *Ego Mater pulchræ dilectionis & timoris & agnitionis & sanctæ spei.* Ergóne est iste filius tuus ô Virgo virginum? ergóne talis est dilectus tuus ô pucherrima mulierum? Planè talis est dilectus meus & ipse est Filius meus ô filiæ Hierusalem. *Dilectus meus est pulchra dilectio in seipso: Dilectus meus est pulchra dilectio, timor & spes & agnitio in illo, qui natus est ex ipso.* Ipse est non solum quem diligimus, timemus, agnoscimus, & in quem speramus, sed hæc etiam omnia in nobis operatur, atque his virtutibus veluti quibusdam membris & partibus in nobis perficitur atque formatur. Tunc enim perfectè pro modulo hujus vitæ Christus in te formatus est, tunc veritas ipsius in te expressa est, si veritatem, quæ ipse est, agnovisti, & agnitam glorificasti, timore videlicet & spe; & ne spes confundat, charitas diffusa sit in corde. Si huic sensui judicas incongruum, quod alius sit istarum ordo virtutum vel profectum, & alius ordo positionis nominum, non enim ait: *Ego mater agnitionis & timoris & spei & dilectionis, sed ait: Ego mater pulchræ dilectionis & timoris & agnitionis & sanctæ spei,* fortassis & in hoc ordine ipso, quem ponit, inveniri poterit aliquid congruentiae & rationis. Sicut enim de agnitione timor nascitur, quem, ne in desperationem concidat, spes adjuncta consolatur, ipsique spei, ne confundat, dilectio suffragatur: ita versâ vice dilectio castum parit timorem, timorque cum dilectione illuminat agnitionem: secundum illud sapientis, Eccl. 2. *Qui timetis Dominum, diligite illum, & illuminabuntur corda vestra, quantò autem verius illuminato corde Deus agno-*

agnoscitur, tantò fiducialiùs in eum speratur. Unde est illud  
Pial.9. *Sperent in te omnes, qui noverunt nomen tuum Domine. Spes*  
*verò sancta est, sicut Ioannes de spe videndi Deum loquens ait*  
*1.Ioan.3.Omnis, qui habet hanc spem in illum, sanctificat seipsum: si-*  
*cum & ille sanctus est.*

Pulchrè autem & propriè dicta est pulchra dilectio, cùm  
charitas Deus sit, ac per hoc summa pulchritudo, sitque virtus  
ista verè tota pulchritudo Ecclesiae, quam ipse sponsus ejus in  
cantico amoris invenitur tantum ac totiens in ea mirari & ex-  
tollere. Prorsus dilectio pulchra, quæ de corde puro est, & con-  
scientiâ bona, & fide non fictâ. Ubi enim cor purum est, nulla  
est ruga: ubi conscientia bona, nulla est macula: ubi fides non  
ficta, non est aliquid ejusmodi, quo d oculis sponsi displiceat, quo  
minus sibi Ecclesiam nunc gratiosam, tunc gloriosam exhibeat.  
Distinguenda etiam erat hoc nomine *dilectio sanctorum* ab amo-  
re hominum, sive *turpi*, qui nec nominandus est inter fideles;  
sive *naturals*, quo amantur parentes; sive *seculari*, quo se invicem  
amant propter seculi necessitates vel cupiditates. Procul ergo  
procul, imò nusquam prorsus sub oculis Dei amor turpidinis;  
scorsim autem interim cedat amor necessitudinis; solusque re-  
gnet amor internæ & æternæ pulchritudinis, quo solum Deum  
vel propter Deum amant verè pulchri.

Tu verò bone Iesu, pulchritudo Sanctorū, speciosus formâ  
non solum præ filiis hominum, sed & præ virtutibus cælorum:  
specie tua & pulchritudine tua intende, prosperè procede, &  
regna. Tamque latè regnet pulchra dilectio tua, ut turpem de-  
finibus rerum proturbet & eliminet; secularem ad se convertat  
& inclinet; naturalem sub se regat & ordinet: ut illâ pulchrâ &  
verâ dilectione te diligit mundus, quâ dilexisti mundum Salva-  
tor mundi, qui vivis & regnas Deus, per omnia secula seculo-  
rum. Amen.